



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐԻ  
**ՀՐԱՄԱՆ**

---

**N 1456-Ա/2**

**15.08.2022թ.**

**«ԳՐՔԻ ԵՐԵՎԱՆՅԱՆ ՀԻՆԳԵՐՈՐԴ ՓԱՌԱՏՈՆԻ» ԾՐԱԳԻՐԸ ՀԱՍՏԱՏԵԼՈՒ ԵՎ  
ԳՈՒՄԱՐ ՀԱՏԿԱՑՆԵԼՈՒ ՄԱՍԻՆ**

Ղեկավարվելով «Հայաստանի Հանրապետության 2022 թվականի պետական բյուջեի մասին» Հայաստանի Հանրապետության օրենքով և Հայաստանի Հանրապետության վարչապետի 2019 թվականի հունիսի 1-ի N 661-Լ որոշման հավելվածի 19-րդ կետի 20-րդ ենթակետով՝ գրքի երևանյան հինգերորդ փառատոնի ծրագիրն իրականացնելու նպատակով՝

**Հ Ր Ա Մ Ա Յ ՈՒ Մ Ե Մ՝**

1. Հաստատել գրքի երևանյան հինգերորդ փառատոնի ծրագիրը՝ համաձայն հավելվածի:

2. «Հայաստանի Հանրապետության 2022 թվականի պետական բյուջեի մասին» Հայաստանի Հանրապետության օրենքի N 1 հավելվածի N 2 աղյուսակի «1124. Գրահրատարակչության և գրադարանների ծրագրի» «11005. Աջակցություն գրականության հանրահռչակմանը, գրական ծրագրերին և գրքերի միջազգային ցուցահանդեսներին մասնակցությանը» միջոցառման համար Հայաստանի Հանրապետության կրթության, գիտության, մշակույթի և սպորտի նախարարությանը (այսուհետ՝ նախարարություն) նախատեսված գումարներից (տող՝ «Աջակցություն գրականության հանրահռչակմանը և գրական ծրագրերին») հատկացնել է 9999.0 հազար (ինը միլիոն ինը հարյուր իննսունինը հազար) դրամ գրքի երևանյան հինգերորդ փառատոնի ծրագիրն իրականացնելու համար:

3. Նախարարության ֆինանսաբյուջետային վարչության պետին՝ սույն հրամանն ուժի մեջ մտնելուց հետո 15-օրյա ժամկետում նախապատրաստել և նախարարության

գլխավոր քարտուղարի ստորագրմանը ներկայացնել սույն հրամանի 2-րդ կետում նշված գումարը «Խաչատուր Աբովյանի տուն-թանգարան» պետական ոչ առևտրային կազմակերպությանը հատկացնելու մասին պայմանագիր (այսուհետ՝ պայմանագիր),

4. Նախարարության մշակութային ժառանգության և ժողովրդական արհեստների վարչության պետին՝ Հայաստանի Հանրապետության կրթության, գիտության, մշակույթի և սպորտի նախարարի 2020 թվականի մարտի 16-ի թիվ 343-Ա/2 հրամանին և կնքվող պայմանագրին համապատասխան իրականացնել պայմանագրով նախատեսված աշխատանքների կատարման նկատմամբ հսկողություն, բովանդակային հաշվետվությունների ընդունման գործառույթներ:

5. Սույն հրամանի կատարման հսկողությունը վերապահել Հայաստանի Հանրապետության կրթության, գիտության, մշակույթի և սպորտի նախարարի տեղակալ Ա. Խզմալյանին:

ՎԱՀՐԱՄ ԴՈՒՄԱՆՅԱՆ

X

---

**Հավելված**

ՀՀ կրթության, գիտության,  
մշակույթի և սպորտի նախարարի  
----- 2022 թ.  
N ----- հրամանի

**ԾՐԱԳԻՐ****Գրքի երևանյան հինգերորդ փառատոնի**

1	Կազմակերպության անվանում	«Խաչատուր Աբովյանի տուն-թանգարան» ՊՈԱԿ
2	Կազմակերպության գտնվելու վայր	Ք. Երևան, Քանաքեռ, 2-րդ փողոց, 4 տուն
3	Ծրագրի անվանում	Գրքի երևանյան հինգերորդ փառատոն
3.1	Բովանդակություն	<p>Գրքի երևանյան փառատոնը Հայաստանում գրականության և գրահրատարակչության ոլորտի ամենամեծ ծրագիրն է: Այն իրականացվում է 2017 թվականից:</p> <p>Այս տարի փառատոնն իրականացվելու է հինգերորդ անգամ, տևելու է երեք օր (սեպտեմբերի 30, հոկտեմբերի 1, հոկտեմբերի 2): Մասնակցելու են 50-ից ավելի հրատարակչություն, գրախանութ և մշակութային կազմակերպություններ, 200-ից ավելի գրողներ, քննադատներ, թարգմանիչներ և այլ մասնագետներ Հայաստանից և արտերկրից (արտերկրից սպասում ենք մոտ 60 հյուրի), 15000-ից ավելի ընթերցողներ:</p> <p>Փառատոնը տեղի է ունենալու մի քանի տարածքներում՝ գրքերի ցուցահանդես-տոնավաճառը և խոշոր միջոցառումները տեղի կունենան «Առնո Բաբաջանյան համերգասրահ»-ում, համաժամանակյա միջոցառումներ կլինեն նաև Եղիշե Չարենցի տուն-թանգարանում, Խաչատուր Աբովյանի տուն-թանգարանում, «Զանգակ» գրատանը, մարզային գրադարաններում:</p> <p>Փառատոնն այս տարի նվիրված է հայ նոր գրականության հիմնադիր Խաչատուր Աբովյանին:</p> <p>Առաջին անգամ այս տարի Գրքի երևանյան փառատոնին առանձին տաղավարով մասնակցելու է</p>

		<p>Ռուսաստանի «Թարգմանությունների ինստիտուտ»-ը: Ունենք գործընկեր փառատոներ և գրական հարթակներ, ինչպես Ջենովայի պոեզիայի փառատոնը, «Վերսուպոլիս»-ը և այլն:</p> <p>Փառատոնն ունենալու է մի քանի բաղադրիչներ՝ գրական մրցույթ չորս անվանակարգերում՝ «Արձակ», «Չափածո», «Դրամատուրգիա», «Մանկապատանեկան գրականություն», գրքերի ցուցահանդես-տոնավաճառ, շնորհանդեսներ, քննարկումներ, վարպետաց դասեր, համերգներ և այլն:</p>
3.2	Նպատակ	<p>Գրքի երևանյան փառատոնն ունի մի շարք նպատակներ.</p> <ul style="list-style-type: none"> <li>- Ընթերցանության խթանում</li> <li>- Հայ դասական և ժամանակակից գրականության հանրահռչակում</li> <li>- Գրող-քննադատ-գրական մամուլ-գրական գործակալ-հրատարակիչ-գրավաճառ շղթայի ամրացում</li> <li>- Քննադատական մտքի զարգացում</li> <li>- Գրողների ստեղծագործական կարողությունների դրսևորման համար նպաստավոր պայմանների ստեղծում</li> <li>- Նոր անունների հայտնաբերում, առաջխաղացում</li> <li>- Նոր հրատարակությունների, գրական կյանքի նորությունների հասանելիություն</li> <li>- Գրականության և մյուս արվեստների երիտասրդական հարթակի ստեղծում</li> </ul>
3.3	Անցկացման ժամկետ	2022 թ. սեպտեմբերի 30 - հոկտեմբերի 2
3.4	Անցկացման վայր	Ք. Երևան

3.5	Ակնկալվող արդյունքներ	<p>Գրքի երևանյան փառատոնի գրանցած արդյունքները փաստում են ընթերցողական հետաքրքրությունը, ոլորտի մասնագետների և կառույցների գնահատականները, փառատոնի հարյուրավոր լուսաբանումները հայաստանյան և արտերկրի լրատվամիջոցներով, միջազգային տասնյակ հյուրերի այցելությունները մեր երկիր:</p> <p>Գրքի երևանյան փառատոնի իրականացման արդյունքում մեկ հարթակում են միավորվում բոլոր գրողները, գրաքննադատները, գրական գործակալները, գրական և մշակութային մամուլի ներկայացուցիչները, հրատարակիչները, գրախանութները, այլ կառույցներ և մասնագետներ:</p> <p>Խթանվելու է ընթերցանությունը, հանրահոշակվելու է հայ դասական և ժամանակակից գրականությունը, համագործակցության հնարավորություններ կլինեն գրողների և այլ ոլորտների ներկայացուցիչների միջև:</p> <p>Իսկ ասվածը թվերով կարելի է տեսնել ստորև՝ ոչ ֆինանսական ցուցանիշների տողում:</p>
3.6	Ոչ ֆինանսական ցուցանիշներ	<p>50 հրատարակչություն, գրավաճառ և այլ մշակութային կազմակերպություն</p> <p>200 գրող, թարգմանիչ, քննադատ, այլ մասնագետներ Հայաստանից և արտերկրից</p> <p>30 միջոցառում</p> <p>15 000 ընթերցողներ</p>